

«ЭРЪЗЯ. Валдос ливтиця»

Эрзянь ды мокшонь национальной драмань театрасо панжовсь од сезонось. Ваныцятнень туртов анокстазель од путовкс – В. Мишанинань пьесанзо коряс «Эрзя. Валдос ливтиця» спектаклясь. Сон алтави эрзянь ине скульпторонть С. Д. Эрзянь чачома чистэнзэ саезь 145 иетненень.

MP-нь народной писателесь, мокшонь драматургось В. И. Мишанина ламо шкань перть важодсь пьесанть лангсо. Сон ловнось биографиянзо, вешнесь Эрзянь зрямостонзо саезь тевть-валт. Пьесась лиссь покш, малав 60 лопат. Спектаклясо сон максови малав пелезэ киртязь. Спектаклянтъ путызе Россиянь ды Калмыкиянь искусствань заслуженной деятелесь Борис Манджиев. Сон аволь васенцеде важоди минек путовкстнень



лангсо Нацтеатрасо.

Стелан Эрзянь одсто роленть налкси Евгений Благов, сырестэ – MP-нь заслуженной артистэсь

Дмитрий Мишечкин. Путовкссонтъ невтевить скульпторонть зярья вечкевикс аванзо: Дёля (одсто Евгения Акимова, сырестэ – MP-нь

заслуженной артисткась Галина Самаркина), Марта французенкась (Елена Гудожникова), Аргентинасо Эрзянь тонавтницязо Доротей (MP-нь заслуженной артисткась Марина Аверкина), Недда (MP-нь заслуженной артисткась Нина Абросимова). Весень сынст потсо гувны-палы вечкемань тол эрзянь цёрантень. Ансяк скульпторось аравтсь эсь тевензэ – искусстванть. Теевксэнзэ ловсь ды лемдсь эсензэ эйкашшокс.

Кода содатано, С. Д. Эрзя ламо шка зрясь омбо масторсо, пек бажась велявтомс тиринь ёнксов. Ансяк аволь сеске те лиссь. Спектаклясонть парсте невтезь зрямосонзо те пельксэсь. Истя жо актёртнз

вадрясто налкисзь советзнь шкань прывттнень ды чиновниктнень, конат эзьт нолда Эрзянь СССР-в. Мастерэсь ялатеке велявтсь эсь масторов.

Лембе валсо тешкставлинек Дмитрий Мишечкинзнь налксеманзо. С. Эрзянь ролесь тензэ изнявсь. Ванат ды прок алкукс сцена лангсо минек гениесь: келе коня, сельмухшсо, пухадемка марто, молевксэззяк невтезь. Всея спектаклянтъ перть ризнат сонзэ кисэ, мелявтат ды кецят: сон велявтсь ды тесэ муинзе творчестванзо вечкицятнень. Театрасто самодо мейле чачсь покш мель модемс С. Д. Эрзя лемсэ музеев, ваномс ине теевксэнзэ, ловномс К. Г. Абрамовонь «Эрзянь цёра» романонтъ.

Лопанть анокстызе Татьяна МАТОРКИНА